

悲增菩薩轉世開示文(已證悟)

台語版

菩薩！阿彌陀佛！您這世人修學正法、善業，現此時正是您轉入後世、繼續增上的時陣，您發了廣大的願心，毋驚生死之苦，願意以您難能可貴、不捨眾生的菩薩格，願意閣再來五濁惡世，偕同願同行的菩薩眾，做伙來護持大乘了義如來藏妙法。您的悲心恰大願，會當予正法無憂、眾生得利。賢劫千佛不空過，阮今仔日門陣佇遮，願恰您做伙實現這個波瀾壯闊的護法大業！

菩薩！您這世追隨平實導師修學正法，護持第三擺佛法復興大業，證悟法界實相，勤修菩薩六度萬行，又閣慈悲憐憫有情、發了廣大願行，閣再倒轉來娑婆、勇敢承擔如來的廣大家業。您的大願，諸佛如來攏共同歡喜讚歎！

您應該知影佇這個五濁惡世，一切小行菩薩攏會佇末法來的時毋敢向前行抑是離開，就敢若親像火劫來的時陣，江水河流大小百川都先消水焦去；千焦（只有）志節像大海全款廣闊的大心菩薩，才會當奮勇住世，捍衛如來最後一分法教，無管有佢（外）爾仔橫逆逼迫，攏也當堪受忍耐而且不退勾！

佇正法最後將近滅沒的時陣，愚癡頑固的人圍佇邊仔、惡口污辱罵人，穿插飲食湯藥攏馬虎清采，環境惡劣、無一點點仔可樂，毋過遮的（這些）大心菩薩一切攏會當勤忍、甘心承受。到時陣會當來聽受妙法的有情，若毋是身分地位卑微見識淺薄、就是散赤落魄，毋過咱遮的菩薩眾心懷慈憫、攏會當平等攝受，為著法甘願莫佇生命，嘛（也）毋願捨去本願，決心莊嚴這個弘揚如來藏妙法的最後一分道場，一直到末法最後五十二年！

等待月光菩薩帶領著咱顯揚正法威德了後，人間就袂閣再有任何會當得度的因緣。到時陣咱遮的菩薩眾都會當往生兜率陀天，歸仰一生補處菩薩！當來下生彌勒尊佛。了後隨同慈尊閣再來人間，再護正法！按呢賢劫九百九十六尊佛，攏無佢一尊會予漏溝去！乃至護持星宿劫來的時準的千佛，佇諸佛座下同證無生法忍！我等皆當如此一一歷事諸佛，以此功德，圓滿完成三大阿僧祇劫所需要的成佛資糧。世尊為咱開示：佇這個娑婆世界護持正法一目瞞仔，勝過淨土世界修行一大劫的功德！這一切有付出絕對袂予您沒收成——任何眾生對如來著算講甘焦發起一點點仔信心的善根，攏會得到世尊的慈悲攝受，趣向涅槃果。更何況菩薩您依如來藏無私無我的自性，精勤護持正法、勤行菩薩六度，一切淨業的功德來世必定有殊勝可愛的果報，予您的菩薩道業繼續增上，快速圓滿佛菩提道！

菩薩！現此時請您一心憶念三寶，恰阮門陣同沐如來的恩德，做伙讀誦聖教，共同莊嚴這場法事。並請您以生生世世所發的大悲大願，攝受所有來到現場的有情。並請以這場法會的莊嚴功德，迴向予您成就您的大悲願力，願您早日閣再倒轉來娑婆，弘護正法，紹繼血脈，早日成佛！

南無本師釋迦牟尼佛！

